







ANN 1744

seret, ad Gregem Vobis commissum tuendum tegan- damque ab Hæresi, quæ in propinquis, ac finitimis provinciis longe lateque dominatur. Maxime vero, si animadvertatis, quæ tandem futura sit clarissimi illius Cleri vestri conditio, redditis ad ipsam pertinentibus imminutis. Cum enim ex selecta totius Germaniæ Nobilitate componatur, haud difficile est intelligere, in quem statum paulatim prolaberetur, in illum scilicet, in quo fuit sæculo XVI. cum Hæresis in Germaniam, atque inde in alias quoque Provincias grassaretur. Agitur itaque res summa, & periculi plena, quæ curam, operam, ac vigilantiam vestram summopere exposcit. Proinde necesse est, ut sedulo cogitatis, provideque Nobis suggeratis, quid factu opus sit, præter ea, quæ hætenus fecimus. Ad omnia quippe Nos promptos, ac paratos esse intelligetis.

Imponendus hic esset literis hinc finis; sed Apostolici muneris Nobis impositionis, de quo Omnipotentis Deo rationem reddere tenemur, exigit, ut nonnulla insuper addamus. Vos equidem non ignoratis, Catholicis Principibus minime deesse laxioris conscientiæ Theologos, & Assentatores, qui ad eorum aures insurrare non dubitarunt, fieri quidem non posse, ut Ecclesiastica bona in seculares statum redigantur; posse tamen ea minui; tum propter illorum abusum, tum propter immoderatum luxum, & scopi gradum, ac dignitatem; unde fit, ut, aliis Pastoralium animarum cura tradita, ipsemet Episcopus sæculi negotiis, & curis sese immisceat; secularis potius Principis amplitudinem, quam Episcopi gradum, ac dignitatem possidentibus. Nos profecto, in Literis manu Nostra ad Principes datis, haud prætermisimus sententiam adeo perniciosam refutare, atque diluere; tum ratione, tum exemplis ostendendo, absurdum non esse, ut cum Episcopatu una Principatus conjungatur, idque præsertim in Germania: Neque, ob unius, vel alterius abusum, generale aliquid statui debere, quo Ecclesia vetustissimis, quibus fruitur, iuribus exuatur, quoque Successoribus in perpetuum adimat facultas ejusmodi bonis utendi in Ecclesiæ emolumentum, & juxta laudabilem planque majorum institutionem.

Perfusa plane Nobis est, Te non inter eos numerari, qui ita agendo, pravis ejusmodi consiliis occasionem præbuerunt, aut præbent. Neque id inquirimus, an per hos dies quoque in Germania sit, qui secularis potius Principis, quam Episcopi personam gerat, quique Principatu, Templique thesauro, ad fastidium pompam abutatur. Generatim sane loquimur; eo magis, quod præsentibus literis non ad Te unum; sed ad complures alios transmittere decrevimus. Sed libere constanterque dicimus, ut si in Venerabili Episcoporum cœtu, & inter præclaros Germaniæ Præsules in præsens forte existeret, qui illud vitæ genus ageret, is animæ suæ consulat, talem vivendi rationem corrigat, emendatæque vitæ institutione scandalum de medio tollat, atque ita os obstruat iis, qui loquuntur mendacium, quique argumentis quidem falsis, sed veri speciem præferentibus, blandiuntur Principibus Sæcularibus, ad ea attentanda, a quibus illi hætenus se alienos esse profitentur. Qui sæcularem magis Principem, quam Episcopum gerit, is certo sciat, se talis ditionis Principem esse, eo quod Episcopus sit talis Diocesis: Principem autem non idcirco cum Episcopatu conjungi, quo negligatur cura animarum, sed quo ipsi plenius satietur, & Ovile Jesu Christi sibi trahitum validius ab Hæresi propugnatur: Animadvertat quoque, pios Institutores, non ad luxum, & sæculi pompam fovendam, elargitos fuisse summa liberalitate, ac munificentia pingues Ecclesiæ proventus; sed ut, detractis iis, quæ congruunt quidem cum Episcopo, tum Principi Viro, non ad propriæ voluntatis libidinem, sed ad Sacrorum Canonum regulam; ita ut omnibus conspicuum sit, quid inter Principem Sæcularem, & Episcoporum Principem interfit, necnon ut iis detractis, quæ ad utriusque dignitatis gradum, atque onera necessaria sunt; quod reliquum est, in subsidium pauperum, & Ecclesiæ bonum impendatur. Qui in se gesserit, minime dubitet, quin Altissimum benedictionibus suis eum largissime cumulet, atque una efficiat; ut in Germania gravissima damna reparentur, quæ ibi superiori

Eademque memoria illata sunt. s. Hæc, atque alia hujusmodi, animo quidem & Caritati tuæ præsentia fore non dubitamus; quibus

quoque Te opportune usurum speramus, si quando occasio se dederit tibi agendi cum iis, qui forte tam improprie, & inconsiderate viverent. Interea te toto animo complectentes, Apostolicam Tibi, Dilecte Fili No- ster, Benedictionem peramanter impertimur. Datum Romæ apud S. Mariam Majorem sub An- nulo Piscatoris die xv. Februarii MDCCXLIV. Pontificatus Nostri Anno IV.

J. Vincentius Lucchese.

Similes Literæ, eodem sero exemplo, scripte fuerunt ad alios Antistes per Germaniam.

CAPITULO CATHEDRALIS XCI.

Ecclesiæ Pataviæ nonnulla Indulta, & Pri- vilegia conceduntur.

Dilecto Filio Nostræ Caroli S. Nicolai in Carcere Tullia- no Diacono S. R. E. Cardinali Rezzonco nuncupato.

BENEDICTUS PAPA XIV.

Dilecte Fili, salutem, & Apostolicam Benedictionem.

Simul, ac Nobis, non humano quidem consilio, sed ut profecto reputamus, Dei Numine admonitis, in mentem venit te dare Antistitem Pataviæ Eccle- siæ, cogitavimus ejus Cathedralæ Canoniorum Cole- gium aliquo angere decore, quod pro testimonio ha- beret paterni amoris erga se Nostri. Ita quidem me- rita esse videbatur Ecclesiæ a S. Proficimo D. Petri Discipulo fundata, cultaque deinceps a tot Successori- bus in Divorum numerum adscriptis, Fidentio, Syro, Hilario, Maximo, Bellino, aliisque duobus Beatorum nuncupatione decoratis, Leonino, & Bernardo Maltra- verso, hostra pariter ætate a Venerabili Cardinali Gre- gorio Barbado. Ipsum Cathedralæ Collegium, undè tres Pontifices maximi, Quartus Eugenius, Paulus Se- cundus, & Octavus Alexander prodierunt ad univer- sum Christi Domini Ovile moderandum, sexdecim præterea S. R. E. Cardinales, quinque Patriarchæ, duodeviginti Archiepiscopi, & Episcopi, pluresque Romanæ Curie Præsules, multis jam pridem Pontificiæ beneficentiæ argumentis ornatum a Decessoribus No- stris Callisto hujus nominis Secundo, Alexandro Ter- tio, Innocentio Tertio, Pio Secundo, adeo splendide sui speciem exhibebat, ut Nos ad se magis magisque honestandum illiceret.

Nec in Te parum momenti fuit ad hujusmodi propositum nostrum confirmandum. Dum enim illi Epi- scopali auctoritate præes, tuis quoque amplissimis me- ritis a Capite in membra derivatis enitet. Nobis quip- pe ante oculos obvertaris clarus non una Ecclesiasti- cæ Ditionis Provinciali Præfectura, illustris gesto tot annos summa cum justitiæ, ac sedulitatis laude Ro- manæ Rotæ magistratu, spectatissimus denique ampli- sima Cardinalatus Dignitate, qua decorus Romæ inter præstantiores Collegas mirificam navabas assidue ope- ram piis exercendis institutis, saluberrimis dicendis in Reipublicæ administratione sententiis; simul autem singulari præditus morum gravitate, atque innocentia, edebas magna Christianæ virtutis exempla: cujus illud tum quoque se Nobis obtulit, dum inopinatum vocatus ad gubernandum Patavinum Gregem, ac ceptis hæsiisti, an arduo sustinendo oneri pares tibi adessent vires, nec nisi explorata per aliquot dies Dei voluntate, eaque comperta, illud subire voluisti; Statim deinde sacris cæremoniis initiatus, & ad commissas omnes progressus Pastoralis cura, & agendi suavitate Tibi adeo illarum amorem conciliasti, ut susceptum a Nobis Te eligendi consilium eximie celebraret laudibus; idque apertissi- mo documento sit, Divino placuisse Pastori, quod Te in partem Pastoralis sollicitudinis vocaverimus. Hæc omnia Nobis susceperunt, ut Cathedralæ Collegium tuum præcipuis honoribus amplificarem.

Veteres Es- piritualia Pa- taviæ præro- gativa.

Cardinalis modernæ Epi- scopi laudes

ANN 1744

Quotiescra motu proprio, nec ad ullius postu- latum, & plentifuline Nostræ Potestatis, decernimus, & constituimus, ut perpetuis futuris temporibus Di- gnitates, & Canonici Pataviæ istius Ecclesiæ, Nota- rii sint Sedis Apostolicæ, gaudeant cunctis honori- bus, libertatibus, immunitatibus, exemptionibus, gra- tiis, favoribus, indulgentiis, quibus potuerunt ejusdem A- postolicæ Sedis Notarii de numero Participantium, si- ne tamen istorum præjudicio. Rursus ut dum in Cho- ro divinas celebrant laudes, utantur per hyemem Supa- ro, & Superpellicio, sicut Vaticanæ Basilicæ Cano- nicis est in more. Pileum itidem gerant ornatum purpureo torulo, honoraria scilicet rubri coloris fascio- la. Insigni præterea Familiæ suæ Protonotariorum Gale- ram imponant. Dum quoque Sacrosanctum Missæ Sa- crificium peragunt, Canonem Missæ adhibeant, & Ly- chneolum. Hæc omnia tamen concedimus, & concessa esse volumus, salva tua, & Successorum tuorum in om- nibus jurisdictione. Nec per ea intendimus ullam Di- gnitatum, Canoniarum, & Præbendarum Ecclesiæ Pa- taviæ, aliorumque Beneficiorum Ecclesiasticorum, quæ per dictæ Ecclesiæ Canonicos, & inibi Dignitates hu- jusmodi obtinentes pro tempore possideri, seu in qui- bus, vel ad quæ jus haberi contigerit, reservationem, five affectionem Nostræ, ac Romanorum Pontificum Successorum Nostrorum, ac Sedi prælatæ collationi, & dispensationi inducere.

Eorum infi- gnis, & ha- bitus Chora- lis.

Utis Cano- nicis, & lych- neoli. Præservan- tur Ordina- rii jura, quo- ad collatio- nes.

Pontificiæ benevolentiæ significatio- nes.

Dat. die 22. Febr. 1744.

XCII. ANTI OCHENO

Patriarchæ Græcorum Melchitarum transmittitur Pal- lium, Communionis tessera, ac Dignitatis insigne, adjectis mandatis, & conditionibus opportunis.

Venerabili Fratri, Cyrillo Catholico-Græco-Melchitarum Antiocheno Patriarchæ.

BENEDICTUS PAPA XIV.

Venerabilis Frater, salutem, & Apostolicam Benedictionem.

DUM nobiscum animo reputamus, illustrem Antio- chenam Græcorum Ecclesiam, jamdiu a Roma- na Sede sancto Schismate divisam, & a Patriarchis ea labe infectis gubernatam, nunc tandem Fratemitati Tuæ commissam, in legitimi Pastoris tutela esse, om- nibus quidem lætissimis incedimus, diuturni meritis pro- pmodum oblit, quo ex illa Schismaticorum Antisti- tum irruptione conficiebatur; incredibili simul gaudio perfundimur, quod Catholici Græci Antiocheni Patriar- chæ nomen, repetita longius antiquitatis memoria, Ro- manis dyptichis toto adscribi queat. Qua de re maxi- mas habemus, agimusque Deo gratias, eoque magis, quod Nobis in Suprema Ecclesiæ Cathedra, licet im- merito, confidentibus, id feliciter eveniret; ac pos- simus, Te præsidio, minus timere de illius Gregis par- te, quæ ab insidiis Pseudo-Episcopis circumfessa, de- ferenda Orthodoxæ Fidei periculo obiciebatur; contra vero aliqua duci spe, fore ut reliqui in Christi Ovile se restituant. Magnum igitur tuum meritum est, in Orientalem Græcam Patriarchatum veluti postliminio redidisse Catholici Antistitis decus. Ex eo autem æque plurimum apud Nos commendaris, quod ad rem tanti Bullar. Rom. Bened. XIV. Tom. I.

momenti obtinendam Tibi aditum aperieris bene acta vita prius Romæ in Collegio ad Propagandam fidem instituto, deinde per tuam Nationem Christianis virtu- tibus palam asserta vera Dei Religione. Quomobrem a Catholicis Orientalis Diocesis Episcopis in Antiochena Sede locatus fuisti, in qua per tot annos, veluti bonus Christi Miles, pugnavisti adversus Catholicæ veritatis hos- tes, nullis fractus ærumnis, quibus adhaerere cuperis. Fidei autem populo multum, ne erraret, provisti, consulta identidem Apostolica Sede, ejusque Decretis ac mandatis morem sedulo gessisti, non sine ingenti tuarum Ovium fructu, & eximia obedientiæ laude. Quin etiam, ut arctius visibili Pastorum Principi Te adhaerere gloriarer posses, Sacro ornari Pallio a Pon- tificæ Maximo postulasti; ablegato idcirco Romam Di- lecto Filio Joanne Amionione Sacerdote, qui prudenti, & grata agendi sedulitate utilem Tibi navavit operam suam. Nihil donique prætermisisti, in quo tua pietas, sincera fides, insignis erga Romanam Sedem observan- tia non elucefceret.

His auctis meritis, omnia spondere Tibi poteris de Nostra benignitate, & si adhuc Palliudonum di- latum fuit, scito, id consulto evenisse, ut quo diuturnius optatum, eo jucundius acciperes. Nunc autem non amplius cunctandum rati, quin assiduis tuis pre- cibus, nuper etiam in Consistorio ab eodem Ablegato Tuo renovatis, annueremus, libentissime Tibi trans- mittimus Pallium ipsum, desumptum ex corpore Dicit Petri, in quo plentudo Pontificis officii continetur, quod Tibi tradet nostro nomine Venerabilis Frater Epi- scopus Babylonis, aut alius ab ipso substitutus; dum- modo prius coram eorum altero emisisset Catholicæ Fi- dei professionem, iuxta formulam præscriptam a fel. rec. Urbano VIII. Decessore Nostræ, ac solemniter jure- jurando pollicitus fueris fidelitatem Nobis, & Apostoli- cæ Sedi, adhibita verborum formula Ablegato Tuo con- signata, quæ cum his literis reddita Tibi erit; simul- que juratus promiseris, Te accuratissime, & qua par est obedientia observaturum quicquid a Nobis sanctum fuit in encyclica Epistola ad Venerabiles Fratres Patriar- cham Antiochenam Græcorum Melchitarum, & ad om- nes hujus Ritus Catholicos Episcopos huic Patriarchæ subiectos, data 24. Decemb. Anni proxime elapsi 1743. quæ incipit: Demandatum castius; ejus exemplar cum Nostris hicce literis ad Te perveniet.

Ut ere deinde hoc venerabili dono, eoque in tuæ Gentis oculis posito, excita illius memoriam ad retinendam, aut amplectendam fidem, ab Apostolorum Principe æque Nobis, ac sibi traditam; unde veluti quadam cognitione illecti, atque excitati, ad Nos re- vertantur, aut Nobiscum perseverent, quotquot in tuo Patriarchatu Sacro Baptismate initiati sunt. In istius- modi operam ut omnes intendas Pastoralis vigilantie curas, quod hætenus fecisti, pro paterna sollicitudine Te adhortamur; plurimam a Nobis gratiam quotidie magis initurus, cujus pro pignore, munusculum ad re- rum Sacrarum usum accipiens, Ablegato tuo configura- tum, atque Apostolicam Benedictionem, quam Frater- nitati Tuæ peramanter impertimur.

Datum Romæ apud S. Mariam Majorem sub Annulo Piscatoris die xxix. Februarii MDCCXLIV. Pontifi- catus Nostri Anno IV.

J. Vincentius Lucchese.

Alia Consistorialia dantur in Appendice.

CONTRA SURRPIENTES CXIII.

Vel asportantes, aut apud se retinentes Sacras Hostias, vel Particulas consecratas.

BENEDICTUS EPISCOPUS

SERVUS SERVORUM DEI

Ad perpetuam rei memoriam.

AB Augustissimo Eucharistiæ Sacramento, in quo Exordium. A Salvator Noster, & Dominus JESUS CHRIS- TUS se ipsum nobis, tamquam gratiarum omnium fontem uberimum, atque pretiosum æternæ gloriæ